

## Wa - Agape Phuk Lai Sigang Khri - God's Love Letter Scriptures

**Yohan 15:9 Awm hoik moh Keeing Cao ka Aux, Aux kawx hoik moh ka pex heue. Pex ot ka daux pa moh Aux awx.**

**Isayax 43:1 Yam in, Siyiex, pa phan maix Yakop, pa mawh Siyiex pa phan Isarelax ah nin, "Paw lhat mawh kheu Aux hoik taoh ka maix. Aux hoik kok maix ka ceu kaux maix, maix mawh cie Aux.**

**Yeramix 1:5 "Aux hoik tawng ka maix sivoe ang nyang phan deuh maix ka daux vaig miex maix, sivoe ang maix nyang keh, Aux hoik singax mai Aux hoik yaog maix mawh cao jhai piang ceu pui kuceu heue."**

**Yohan 15:16 Pex laug ti teei Aux ang mawh, viang mawh nan Aux hoik laug ti teei pex hoik ciak ti deuh pex, yuh ka mawx sonsang hu plix pex plix sonsang kaux cong plix pex heue. Kheu pex sang rawg ceu patix ang ah, ka Keeing Cao ka daux ceu kaux Aux, Nawh sang tawx ka pex.**

**3 Yohan 1:2 Kaw pa moh aux eue, aux rawg bwan sonsang haok hwan maix ka daux ku ceu khawmuik mai sonsang koe krax nyawm ot, awm chix haok hwan ju maix heue.**

**Isayax 43:4 Mawh kheu koe ngawh jum maix ka plak sivoe ngai Aux mai pon min pakngai mai moh ka maix, Aux tom tawx pui sonsang loh maix ka mai tawx ceu pui khankix sonsang loh ju maix ka.**

**Yeramix 31:3 Siyiex hoik dawg bleeh ka aux tom yam an dix ah nin, "Mawh heue, Aux hoik moh maix ka krax moh krax rhawm leeing ju, mawh kheu nan, Aux hoik bluh maix hoek tau mai krax moh pa koe krax caux rhawm heue.**

**Hose 11:8 Ceu pui Isarelax mawh pa hoik bleet ti grai, yam in kix ot ka daux sinax pui tang ceu tang meung, awm aw tawng, pa ang pui khaw rhawm kah heue.**

**Yohan 3:16 "Mawh kheu Siyiex kied moh haktiex sigrien sigre, Nawh tom tawx Kawn tix pa koe tix kaux khaing, son can pui pa yum rhawm ka Nawh khankix, tak ang lai hoek krax laux leeing, tak pon ju leeing ju heue.**

**Isayax 49:15,16 "Mawh sang piawm bun pa sang tawx kawn ngie tix peuex mai ang caux rhawm ka kawn pa keh khaing vaig tix lie? Viang kix kawn piawm kawx, Aux tak ang piawm ka maix. 16 Jhak heue, Aux hoik tiiem maix ka daux tawm taix tix, guh veng maix koe sivoe ngai Aux jheung jheung.**

**Isayax 41:13 Mawh kheu Aux mawh Siyiex maix, tak giex taix dawm maix, tokaux Aux ah nin ka maix, "Paw lhat, Aux tak teem ka maix."**

**Mathiex 28:20 Gau kix kieh kix hawt yuh ceu pa hoik nhie Aux ka pex khawmuik, Aux tak ot tau mai pex jheung jheung, tom hoek bawg yam sidah haktiex heue."**

**Yohan 14:1 "Paw kieh rhawm pex koe krax khi rhawm, yum rhawm ka Siyiex, ka Aux kawx yum rhawm heue.**

**Isayax 41:14 Siyiex ah nin, Yakop pa mawh ngaw eue, paw lhat, pex pui Isarelax eue, Aux tak teem ka maix, cao taoh ka maix mawh Siyiex pa singax singeh pui Isarelax.**

**Isayax 43:2 Yam tiang maix daux rawm, Aux tak ot tau mai maix mai yam tiang rawm klawng tak ang kheem maix, yam hu maix ka daux ngu maix tak ang gleeing mai rao ngu tak ang hax yuh maix.**

**Yaogyaw 23:1-6 Siyiex mawh cao pa liang yung ka aux, aux ang lai lo tittix. 2 Nawh kieh aux it mai: sawm dee klai rib, Nawh thong aux hu ka praok rawm klawng pa singaong. 3 Nawh baox tawx riang rao ka ju aux, Nawh thong aux hu ka daux krax pa rahsee son ceu kaux Nawh heue. 4 Viang aux yaox ti hu ka daux klawng ngawd veei krax yum kawx, aux ang lhat kah, grawh grawng nawh, Maix cao ot mai aux, khaox puat Maix mai khaox gix Maix kieh aux nyawm rhawm heue. 5 Maix cao cox khre pheen sawm aux sivoe ngai pui koeng ka aux khankix heue. Maix groi bee ka kaing aux mai: kawk aux deeh kreh heue. 6 Bwanson krax caux rhawm pa mhawm Maix hawt grawng lawng khaix aux, aux tak ot nyiex Siyiex leeing ju heue.**

**Yohan 14:27 Aux deuh pa nhim mai pex, pa nhim Aux, Aux tawx ka pex. Pa tawx Aux ka pex ang awm pa tawx haktiex. Paw kieh rhawm pex koe krax khi rhawm, viang krax lhat graung kawx paw kieh koe awx.**

**Philippix 4:7 pa nhim cie Siyiex, pa nie lang teung ting khaing krax tawng yung khawmuik, tak sang pau rhawm rhi pex mai pa keud pex ka daux Yesux Khrit heue.**

**Lox Kab 3:24 Yam it maix ang koe ceu pa lhat, tak yaox ti laig it mhawm mhawm heue.**

**Yaogyaw 4:8 Yam it, aux laig it mhawm mhawm, grawh grawng nawh, Maix Siyiex tix kaux khaing, kieh aux luan khaing pa caox pa ang mhawm heue.**

**Yaogyaw 33:18 Jhak heue, ngai Siyiex jhak ka pui pa lhat graung ka Nawh mai pui pa deuh rhawm ka bwanson krax pa caux rhawm Nawh khankix heue.**

**Romax 5:2 Mawh kheu Simiang an ex hoik pon laig ka daux bwanson in, dee ot dee cung ex mai ex yaw gaux rhawm ka daux krax keud pot jun pot sonsang pon min plakngai Siyiex heue.**

**Isayax 55:12 Grawh grawng nawh pex tak lih hu tau mai krax pa gaux rhawm mai mawh pa hoik thung ti lih tau mai krax pa nhim heue. Gawng ting mai gawng iak khankix, tak kok yo ti ah lai rhax ka plak sivoe pex mai pang khaox pa koe daux tiag tak dieh taix tix heue.**

**Yohan 16:22 Awm an pex koe pa khi rhawm yam in, viang mawh nan Aux tak sang deeh yaox pex tix bawg rhawm pex tak sang gaux rhawm heue. Krax gaux rhawm pex tix kaux kawx ang pon rud pon teei khaing pex.**

**Lukax 12:9 Viang mawh nan pui pa thiang ti tik Aux sivoe kawn pui, Aux tak sang thiang ti tik nawh sivoe ngai kawncau Siyiex khankix heue.**

**Mathiex 10:30 Pie hauk kaing pex kawx hoik simin khawmuik heue.**

**Isayax 54:10 Grawh grawng nawh gawng ting khankix tak gah tix mai gawng iak tak mawh pa yung yiang mai gah tix heue." Viang mawh nan, krax moh krax rhawm Aux tak ang lai gah khaing maix mai gumlox sijax mukheu pa nhim Aux tak ang lai yung yiang mai gah tix. "Siyiex pa caux rhawm ka maix ah nin heue.**

**Mathiex 11:28-30 Pex pa taug pa mao mai klawm kraung cien khankix khawmuik eue, hoek ka Aux mai Aux tak kieh pex laux lee tix heue. 29 Teei ti klawm khaox glawm Aux mai hoek ti gau ka Aux, kheu Aux koe rhawm pa awn pa tiem mai ju pex tak yaox dee laux lee tix heue. 30 Mawh kheu khaox glawm Aux mawh pa yie ti klawm mai kraung Aux mawh pa chaong heue."**

**Sawlaman 2:10 Paox moh aux ah nin ka aux "Paox moh aux mai paox moh pa kied mhawm aux eue, yaog ti kaoh hu tau mai aux liak!**

**Hose 2:14,19,20 Mawh kheu nan, jhak heue, Aux tak sang nyaw glaw nawh mai viex nawh laig ka daux tiagtu mai krai lox pa nyawm rhawm ka nawh heue. 19 Aux tak sang teei maix mawh moeng Aux leeing ju heue. Aux tak sang teei maix mawh cie Aux ka daux krax pa mawh meh mai ka daux krax pa rahsee, ka daux krax pa moh rhawm mai ka daux krax pa caux rhawm. 20 Aux tak sang teei maix mawh cie Aux, ka daux pa kaux sijax mai maix tak tawng ka Siyiex heue.**

**Lih Hu 3:14 Siyiex ah nin ka Mose, "AUX MAWH AWM PA MAWH AUX." Nawh ah nin, krai yuh nin ka ceu pui Isarelax, KAW PA MAWH AUX, hoik ploi aux hoek ka pex"**

**Hose 13:4 Aux mawh Siyiex, pa mawh Siyiex maix, tom yam kawn ot pex ka daux meung Ejiptux mai maix tak ang koe krax tawng Siyiex tang kaux lheu khaing Aux heue. Cao taoh ang lai koe pie tix kaux kawx lheu khaing Aux heue.**

**Yohan 15:14 Phan pex hawt yuh ceu pa hoik tawm Aux ka pex, pex mawh paox grawm Aux khankix heue.**

**Yohan 14:6 Yesux baox pawk lox ah nin ka nawh, "Aux mawh daux krax pa mawh meh mai ju heue. Phan ang mawh daux Aux pui tix kaux kawx ang pon ti hoek ka Keeing Cao.**

**Plak Jhi 3:20 Jhak heue, Aux cung ka sivoe siviex mai gleuh ka heue. Phan pui tix kaux kaux mhong lox Aux mai paoh siviex, Aux tak laig ka dee ot nawh mai Aux tak sawm rheep tau mai nawh mai nawh tak sawm rheep tau mai Aux heue.**